



# **Universitätsbibliothek Paderborn**

## **Biennii Peripatetici**

Complectens Quæstiones Logicales Una Cum Institutionibus Dialecticis Ad  
Antiquorum Recentiorumque Mentem Resolutas, Nec Non Juxta Modernam  
Scholarum Peripateticarum Methodum Elaboratas & Explicatas

**Kretz, Marquard**

**Heripoli, 1749**

§. 3. Quænam sit notio reliquarum affectionum.

[urn:nbn:de:hbz:466:1-52248](#)

## §. III.

*Quænam sit notio reliquarum affectionum?*

470. Præter suppositionem septem adhuc terminorum affectiones n. 465. retulimus, quarum explicationem hic breviter dabimus. *Status* est acceptio termini pro eo tempore, quod per propositionis copulam importatur. Ut si dicas: *Petrus est albus*; quæ propositio ut vera sit, necesse est, ut Petro tempore præsenti albedo conveniat. Datur autem triplex status, pro triplici temporis differentia: *nimirum præsens, præteritus, futurus*.

471. *Ampliatio* termini fit, quando ejus significatum non ad illud modò tempus refertur, quod copula importat; sed ad alia quoque tempora extenditur. Potest autem ampliari terminus ad *præsens*, & *futurum*; ut si dicas: *Vivens morietur*; h. e. qui vivit, vel vivet morietur. Item ad *præsens*, *præteritum*, & *futurum*; ut in hac propositione: *Justus salvabitur*; cuius hic sensus esse potest; *Qui sunt, fuerunt, Erunt justi, salvabuntur*. Item ad tempus possibile; ut in hac prædicatione: *Homo est animal*, quæ se non ad *præsens* modò, aut *præteritum*, aut *futurum*, sed ad possibile etiam extendit.

472. *Distractio* (quam alii cum ampliatione confundunt) est acceptio termini pro tempore alio à tempore per copulam importato. Sic accipiuntur subjecta harum propositionum: *Cœci vident, Claudi ambulant &c.*

DE TERM. DIALECT. EJUSQUE AFFECT. 441

473. *Restrictio* fit, quando terminus à majori ad minorem significationem contrahitur; quod fieri potest primò: Si termino casus obliquus adjiciatur. v. g. *Accessit ad eum mater filiorum Zebedæi.* Matth. 20. Secundò: si apponatur adjectivum. v. g. *Homines mites possidebunt terram.* Tertiò: si circumstantiam addas. v. g. si in certis circumstantiis dicas: *Philosophus ita sentit*, sic, ut ex circumstantiis colligatur, te loqui de Aristotele.

474. *Alienatio* est termini à propria sua significatione ad impropriam translatio. Ejusmodi alienatio maximè fit in tropicis locutionibus. v. g. *Pes mensæ cecidit*, *Vites lacrymantur &c.*

475. *Diminutio* fit, quando termino utor secundùm suum significatum, non quidem absolutè & simpliciter; sed secundùm quid, sive secundùm partem, quod *implicitè* fieri potest vel *explicite*. Ut si dicas: *Æthyops est albus secundùm dentes.* Scotus & alii hanc reducunt ad *Restrictionem*. Semery autem, & alii hoc inter utramque discriminem assignant: quòd *Restrictio* terminum communem ad individua restringat; *Diminutio* autem ad partes integrantes, vel accidentia.

476. *Appellatio* dicitur applicatio significati formalis unius termini ad significatum alterius. Si terminus appellans materiali significato termini appellati applicetur, dicitur *Appellatio materialis*. v. g. si de Petro magnæ quidem statuaræ, sed modicæ doctrinæ dicas: *Petrus est magnus Philosophus*. Si verò terminus appellans

Ee 5 ap-

applicetur significato formalis, erit *Appellatio formalis*. v. g. si de Logico quoad statu ram quidem parvo, eximio autem quoad doctrinam dicas: *Est magnus Logicus*. Cæterum quâ ratione terminus appelle t, hoc sæpiùs ab intentione loquentis dependet, &, ut benè adver tit Arriaga *Disp. I. Sect. 9.* ex tono proferentis, aliisque circumstantiis est dignoscendum.

477. *Reflexio.* Dicta hactenus de termini affectionibus non utilia solum, sed etiam penè necessaria sunt, ad evitanda & conversionum, & syllogismorum vitia: eorumque fraudes tu tiùs ac citius detegendas. Etenim si intra eundem syllogismum terminus idem suam mutet proprietatem, argumentatio non modò non erit demonstratio, sed in sophisma quoque degenerabit. Hoc faciliùs colliges ex sequentibus regulis. I. est. A materiali suppositione ad formalem non valet consequentia. V. g. *Omne, quod loqueris, transit per os; sed currum, & equos loqueris; ergo currus, & equi transeunt per os.* II. A suppositione simplici ad personalem nulla est consequentia. v. g. *Animal est genus; sed Plato est animal; ergo Plato est genus.* III. Nulla est illatio, quando terminus in præmissis ampli sumptus, in conclusione statum habet. v. g. *Qui expurgiscebatur vigilat; sed dormiens expurgiscebatur; ergo dormiens vigilat.* IV. Captiosa est argumentatio, si terminus in una præmissarum distractus in conclusione statum habeat. v. g. *Videntes percipiunt colores; sed cæci sunt videntes; ergo cæci percipiunt colores.* V. A termino re stricto

stricto ad non restrictum non benè concluditur affirmativè. Hinc non sequitur : *Homo fortis pugnat ; ergo omnis homo pugnat.* Nec valet argumentio à termino sumpto impropriè ad eundem propriè sumptum. v. g. *Quod ridet est animal visibile ; sed prata rident ; ergo prata sunt animalia visibilia.* Nec licet argumentari à termino diminuto ad non diminutum. v. g. *Æthiops est albus secundùm dentes ; ergo Æthiops est albus.*

**VI.** Vox appellans addita subiecto appellat subiectum. Ut si dicas : **CAROLVS PHILIPPVS CLEMENS & IVSTVS, ex FLorenti greiffenCLAVIANO sangVIne, est prInCeps herbIpoLensIs.** Ubi voces appellantes : *Clemens & Justus* appellant **CAROLUM PHILIPPUM.** Si verò appellans terminans prædicato addatur , prædicatum quoque appellat. Ut si dicas : *Alexander fuit magnus Bellidux.* ubi τὸ *Magnus* appellat *Belliducem*, non verò *Alexandrum* : Nam *Magnus Alexander* corpore parvus erat. Ex his sequitur , quod mutatà appellatione non sit consecutio legitima. v. g. *Alexander fuit magnus Bellidux ; ergo Alexander fuit magnus.*

## DISPUTATIO II.

### De Propositionibus.

**S**Icut ideas , sive mentis conceptus per terminos vocales manifestamus ; ita ad judicia explicanda propositionibus utimur. Inde fit , ut judicium , & propositio promiscuè sæpiùs sumantur , unūmque per alterum intelligatur ; et si